


Sarajevo,

Broj:

15-02-2017

0203-7052



**KLINIČKI  
CENTAR  
UNIVERZITETA  
SARAJEVO**

Na osnovu člana 70. Zakona o javnim nabavkama („Službeni glasnik BiH“, broj 39/14), člana 37. Statuta Kliničkog centra Univerziteta u Sarajevu, na prijedlog Komisije za javne nabavke, Generalna direktorica donosi:

#### **ODLUKU**

o rezultatima pregovaračkog postupka sa objavom obavještenja za javnu nabavku „Usluga održavanja medicinskih aparata/sistema i nabavka osnovnih rezervnih dijelova proizvođača FRESENIUS“

I

Za najpovoljnijeg ponuđača za nabavku „Usluga održavanja medicinskih aparata/sistema i nabavka osnovnih rezervnih dijelova proizvođača FRESENIUS“ odabrana je ponuda firme Elektro-Niere d.o.o. Sarajevo.

II

Odluka stupa na snagu danom donošenja

#### **OBRAZLOŽENJE**

Klinički Centar Univerziteta u Sarajevu je dana 19.12.2016. godine na Portalu javnih nabavki BiH objavio pregovarački postupak sa objavom obavještenja br. 893-3-2-391-3-207/16 za nabavku usluga održavanja medicinskih aparata/sistema i nabavka osnovnih rezervnih dijelova proizvođača FRESENIUS, a prema Odluci Generalne direktorice KCUS-a o pokretanju postupka broj: 0203-54326 od 19.12.2016. godine. Obavještenje o nabavci objavljeno je i u Službenom glasniku BiH br. 94/16 od 26.12.2016.godine.

Pregovarački poziv sa objavom obavještenja br. 0203-54326-1 od 19.12.2016.godine putem portala e-nabavke preuzela su 4 (četiri) ponuđača u nabavci „Usluga održavanja medicinskih aparata/sistema i nabavka osnovnih rezervnih dijelova proizvođača FRESENIUS“ prema izvještaju o preuzimanju tenderske dokumentacije od strane ponuđača. Procjenjena vrijednost nabavke iznosi 110.000,00 KM bez PDV-a.

U datom vremenskom roku 09.01.2017.godine do 10:30h na protokol KCUS-a dostavljena je 1 (jedna) ponuda i to ponuda firme Elektro-Niere d.o.o. Sarajevo. Prema Izvještaju Komisije br. 0305-1491 od 12.01.2017.godine, Komisija je konstatovala da je ponuđač Elektro-Niere d.o.o. Sarajevo zadovoljio uslove I faze postupka - fazu predkvalifikacije dostavljajući svu potrebnu dokumentaciju svojom ponudom br. 0305-673 od 06.01.2017.godine, te je dana 17.01.2017. godine dostavila ponuđaču poziv br. 0305-2277 za učestvovanje u II fazi postupka - dostavljanje početne ponude. U datom vremenskom roku do 24.01.2017.godine do 10:30h na protokol KCUS-a dostavljena je 1 (jedna) ponuda i to ponuda firme Elektro-Niere d.o.o. Sarajevo.

Otvaranje početne ponude u II fazi postupka izvršeno je dana 24.01.2017.godine u 11:00h na lokaciji C9 „bivša Abdominalna hirurgija“, Bolnička 25 uz prisustvo članova komisije, sekretara komisije, referenta protokola i predstavnika ponuđača gđina.Zvonimira Šarenca.

#### **ANALIZA DOSTAVLJANE PONUDE I DOGOVORENO**

Komisija je nakon otvaranja koverta zavedene pod br. 0305-3259 od 24.01.2017.godine, izvršila pregled početne ponude, kada je kontaktovano sljedeće:

Cijena norma sata servisera je 60,00 KM bez PDV-a,

Garantni rok: 12 mjeseci od dana isporuke,

#### **Uslovi plaćanja:**

- Plaćanje: 70% avans na rezervne dijelove i potrošni materijal za preventivno održavanje, ostatak od 30%, 30 dana nakon prijema fakture;

- Plaćanje usluge: 30 dana nakon ispostavljanja fakture;

**Rok isporuke rezervnih dijelova:**

- Za uređaje MULTIFILTRAT do 30 dana od uplate avansa;
- Za ostale uređaje koji su predmet ugovora do 7 dana od uplate avansa.

Nakon toga, Komisija je započela pregovarački postupak sa predstavnikom firme Elektro-Niere d.o.o. Sarajevo, gdje su Komisija i ponuđač iskazali veliko razumjevanje s ciljem postizanja što optimalnije konačne ponude na obostrano zadovoljstvo. Po okončanju pregovora na relaciji Ponuđač-Komisija postignut je sljedeći dogovor i usaglašeni zajednički stavovi:

Cijena norma sata servisera je 60,00 KM bez PDV-a;

Na dostavljeni cjenovnik rezervnih dijelova za interventno održavanje, odobrava se popust na sve dijelove od 3%;

Garantni rok: 12 mjeseci od dana isporuke;

Vrijeme odziva na servis intervencije je maksimalno 12 sati od službenog poziva,

**Uslovi plaćanja:**

- Plaćanje: 50% avans na rezervne dijelove i potrošni materijal za preventivno održavanje, ostatak od 50%, 60 dana nakon prijema fakture;
- Usluge: 60 dana nakon ispostavljanja fakture;
- Usluge defektaže po službenom pozivu su besplatne;

**Rok isporuke rezervnih dijelova:**

- Za uređaje MULTIFILTRAT do 30 dana od uplate avansa;
- Za ostale uređaje koji su predmet ugovora do 7 dana od uplate avansa.

**PRIJEDLOG KOMISIJE I ZAKLJUČAK**

Na osnovu konačne ponude br. 0305-4647 zaprimljene dana 01.02.2017.godine koja sadrži sve elemente usaglašene tokom pregovaračkog postupka, Komisija jednoglasno daje prijedlog da u pregovaračkom postupku javne nabavke sa objavom obavještenja (informacija o pregovaračkom postupku objavljena na portalu Agencije za javne nabavke, broj obavještenja 893-3-2-391-3-207/16 od 19.12.2016.god) pod uslovima usklađenim u toku pregovaračkog postupka, za vršenje usluga održavanja medicinskih aparata/sistema i nabavka osnovnih rezervnih dijelova proizvođača FRESENIUS, dodijeli okvirni sporazum firmi: Elektro-Niere d.o.o. Sarajevo, prema uslovima navedenim u finalnoj ponudi i izvještaju komisije.

Smatram da je Komisija pravilno postupila uzevši u obzir gore navedene činjenice u Izvještaju o sprovedenom postupku javne nabavke br. 0305-4658 od 01.02.2017. godine, te zbog toga prihvatam prijedlog iste i donosim odluku kao u dispozitivu.

GENERALNA DIREKTORICA

Prof.dr. Sebija Izetbegović

**PRAVNA POUKA:**

Protiv ove Odluke može se uložiti žalba prema Članovima 99. 100. i 101. Zakona o javnim nabavkama („Službeni glasnik BiH“, broj 39/14). Žalba se izjavljuje Uredu za razmatranje žalbe BiH, putem ugovornog organa, u dovoljnom broju primjeraka, a koji ne može biti manji od tri.

Dostaviti:

- Ponuđaču;
- a/a